

CHRIS

Dum



Cim

1921-

-1923

Autor,  
rum,

ur esto  
iber!

Teolog 3043 h

39. VI. 21.

Notandum ex hoc Libro

De Melanctone. pag -- 215

quod sit Sacramentarius

De Proelio quod sit etiam

in nonnullis faueret 220.



Handwritten text, likely bleed-through from the reverse side of the page. The text is faint and mostly illegible due to fading and the age of the paper. Some words are difficult to decipher but appear to be arranged in several lines.

D. O. M. A. E. C.

Disputatio IV.

COLLEGII CORPORIS DO-  
*ctrinae Prutenicarum Ecclesiarum,*

CONTINENS  
Repetitionem Articuli

DE CHRISTI  
PERSONA.

SUB PRÆSIDIO

COELESTINI MISLENTÆ,

SS. Th. D. eiusdem, ut & Hebr. lin-  
gvæ Profes. Ordinar. Consistorii  
Sambienf. assessoris.

RESPONDENTE

HENRICO Schüz Butzo-  
vio-Megapolitano.

*Publicè in Auditorio majori  
13. Iulii habenda.*

REGIO MONTI,

Typis Laurentii Segebadii, Anno 1624.





*Magnifico ac Generoso*  
 Tam sua virtute, quàm Majorum Gloria,  
*Nobilissimo Viro*

Dn.

ANDRÆ à Krentzen /  
 Hæreditario in Wesselin / Wessels-  
 hoven &c. Serenissimi Electoris Bran-  
 denburgiei &c. &c. Supremo in-  
 ducatu Borussiae Mar-  
 schallo.

*Domino ac Mecanati suo*  
*Summo*

In grati animi declarationem, suæ  
 ulteriore commendationem  
 disputationem hanc Theologi-  
 cam submisit.

*Offert & dedicat.*

HENRICUS Schütz l.

*Cim. 1924 (d)*

## Disputatio IV.

## DE CHRISTI PERSONA.

Respondente Henrico Schütz Butzovio-  
Megapolitano.

**R**epetitionem articuli de Deo, cum in unitate essentiae; cum in tribus personis considerato; rectè excipit repetitio Articuli de Christo; quippe in quo principium salutare, fundamentum & origo salutis, & redemptionis nostrae consistit. Vbi ἐνταῦθα ἐρεκε, in pertractatione augustissimi hujus loci ad eadem membra, intra quorum cancellos præcedentem dissertationem persequimur, ceu ad Cynosuram polarem nobis eris respiciendum.

I. SEDES ARTICULI,  
de Christo.

1. Desumptus ac repetitus est hic Articulus  
Primò ex August. Confessione, ejusq; articulo Tertio.



tiq, qui sic habet: Ecclesia magno consensu docent,  
quod Verbum, b. e. Filius Dei assumserit humanam na-  
turam in utero B. Virginis, ut sint due Nature, divina,  
& humana, in unitate persone, inseparabiliter conjun-  
ctæ, unus Christus verè Deus & verè homo, natus ex  
Virgine Maria, verè passus, crucifixus, mortuus  
& sepultus, ut reconciliaret nobis Patrem, & hostia  
esset non tantum pro culpa originis, sed etiam pro o-  
mnibus actualibus hominum peccatis. Et quæ sequun-  
tur ex symbolo Apostolico. Confer Apologiam  
Aug. Confessionis.

Deinde ex Articulis Schmalcaldicis (à B. Luth. A.  
1537. conscriptis instante Concilio Mantuano) ac  
in specie ex Tertio, & Quarto Prime partis (de  
summis articulis divinæ Majestatis) Tertius arti-  
culus ita habet: Non Pater, non Spiritus S. sed Fi-  
lius homo factus est.

Quartus verò sic: Filius ita factus est homo, ut  
à Spiritu S. sine virili operâ conciperetur, & ex Ma-  
riâ purâ, Sanctâ semper Virgine nasceretur: Postea  
passus & mortuus est, sepultus descendit ad inferna,  
resurrexit à mortuis, ascendit ad cælos, sedet ad dex-  
teram Dei, venturus judicare vivos & mortuos. &c.

## II. SUMMA ARTICULI de Christo, prout in nostro li- bello pertractatur.

1. Repurgatur in hujus articuli repetitione  
orthodoxa doctrina I. de Unionis Hypostaticæ  
duarum



duarum Naturarum in Christo, citra vel conversionem, vel confusionem indissolubiliter, & in perpetuum factâ ad unam personam.

II. De *communicatione Idiomatum*, seu consequenti illius unionis: & quidem secundum tres distinctos gradus, vel tria genera: In quorum primo collocantur idiomata alterutrius naturæ, uti toti personæ competunt; & de totâ personâ prædicantur, additis tamen particulis distinctivis, naturas à confusione in Christo vindicantibus, ac liberantibus.

In secundo recensentur Idiomata utriusque Naturæ ad Officium Christi concurrentia, idque exprimentia, ex declaratione *Synodi Chalcedonensis* de actionibus Dei virilibus.

In Tertio recensentur dona Majestatica, Christo secundum humanam Naturam à *λογω* communicata.

III. De *Statibus Christi secundum Humanam Naturam*, nimirum 1. *Exinanitionis* & 2. *Exaltationis*.

3. *Antithesein* quod attinet, ea partim in occasione: partim per porismata in quibusdam membris pertexitur incidenter passim.

Nos tamen membris peculiaribus eam expediemus: Etenim ordinis causâ, præsentem materiam tribus disputationibus pertractabimus.

In priore, quæ est in ordine Quarta, agemus de Christi persona; In Secunda, quæ erit

in ordine *Quinta*, de Christi officio; In *Tertia*,  
quæ erit *Sexta*, de Christi statibus: tum *Dei* &  
tum *hominis*.

4. Quâ verò occasione repetitum huncce  
articulum voluerint auctores antehac commemo-  
rari; ex prologo luculentèr patescit, ubi Hæ-  
retici commemorantur, qui augustum hunc arti-  
culum fœdissimè conspurcarunt; de quibus Deo  
volente in *Anathematis* uberius monendum erit.

### III. EXEGESIS THE- seos de Christi Persona.

5. Ad pleniorẽ Theseos explicationem de  
Christi Persona, agendum erit; paucis tamen.  
1. de Christi appellationibus. 2. de Personæ Christi  
descriptione reali 3. de duabus Christi Naturis. 4.  
de Naturarum Unione Hypostaticâ. 5. de Conse-  
quentibus Unionem, adeoq; de communicatione  
1. Hypostaseos. 2. Naturæ Divinæ, & Humanæ  
(nec non de propositionibus personalibus) 3.  
Idiomatum utriusq; Naturæ. Hisce namq; memo-  
ris Consideratio Christi personæ absolvitur.

## DE PRIMO.

6. Appellationes Christi apud varios aucto-  
res occurrunt variz, quas diligenter collegit, &  
nuper publici juris fecit Dn. *Salom. Glasius* SS.  
Theol.



Theol. Lic. & in Acad. Iensenf. P. P. quò etiam  
Lectorem remittimus. Nos compendio remi-  
persecuturi, sic Nomina Christi partimur.

7. Christi Nomina sunt vel Hagiographica,  
vel Ecclesiastica, vel Iudaica.

8. Nomina Christi Hagiographica Personarum  
& Officii respectu desumuntur.

Primo ex officio Christi in genere. Et sic vo-  
catur 1. Christus non παρὰ τὸ χριστοῦ ut vult Ju-  
stinus Apol. 2. pro Christ. sed παρὰ τὸ χρίω ab  
ungendo Joh. 1. v. 41. Hebræis משיח Messias &  
משיח unxit. Sicut enim Reges & Sacerdotes in  
V. T. solenniter inaugurandi oleo ungi sole-  
bant, ceu typi Christi: sic quoque Christus vel  
Messias noster, illorum Antitypus unctus est o-  
leo lætitiæ vel Spiritus Psal. 45. v. 8. Esa. 61. v. 1.  
Dan. 9. v. 24. Act. 10. v. 38. Heb. 1. v. 9. (Noten-  
tur heic Axiomata:

1. Christus unctus est oleo non externo; sed in-  
terno spirituali h. e. ipsius Spiritus S. donis.

2. Unctio illa non est ad redemptionis officium  
destinatio, sed potius Spiritus S. donatio & collatio.  
illa n. facta est ab æterno, hæc in tempore. illa  
concernit Christum quoad utramq; naturam.  
hec quoad Humanam. Nam

3. Unctio hæc facta est non secundum divinam;  
sed secundum humanam naturam.

4. Unctio hæc est facta sine mensura Joh. 3. v. 34.  
Hebr. 1. v. 9. ex Psal. 45. v. 8.

5. *Christus συναιφότερον νοείται h. e.*  
*consignificativum duarum naturarum* Atban. orat 5.  
*contra Arrian. & de salutar. adventu Christi.*  
*Vel Christus est persona σύνθετος h. e. composita:*  
Nam ante incarnationem erat persona increata  
& simplex: post incarnationem vero non sim-  
pliciter increata, nec simpliciter creata; neq;  
μερικῶς creata; μερικῶς v. increata; sed  
ὁλικῶς increata, & creata simul; Vna est perso-  
na, & eadem antè, & post incarnationem; sed  
non Vniusmodi.

6. *Christi appellatio est totius Trinitatis pro-*  
*fessio:* Innuuntur namq; tres personæ Deitatis 1.  
Pater ut ungens 2. Filius ut unctus 3. Spiritus S.  
ceu unguentum ex Joh. 3. v. 34.

7. *Christus est legis finis; objectum totale, & ad-*  
*equatum; imò centrum Evangelii.* Finis quidem Le-  
gis, quia Lex nos ducit ad Christum ceu Pædago-  
gus Rom. 10. v. 4. Gal. 3. v. 24. Objectum v. istius-  
modi, quia est thesaurus Ecclesiæ & margarita  
pretiosissima; Centrum deniq;, quia universa  
peripheria salutis, à Christo incipit, per eum  
procedit, in eoq; desinit.

II. Vocatur Iesus ab Hebr. ישוע h. e. salvare:  
Hinc σωτης salus: & σωτης Salvator Matth. 1.  
v. 21. 2. Petr. 1. v. 11. Græcis dicitur Σωτης h. e.  
Serpator uti plera pars Criticorum reddit latinis  
tatis studio: Ast iudice Tullio latinis nulla datur  
vox propria & genuina, exprimens græcum ter-  
minum. Denotat n. plus quàm vel Serpatores  
vel



vel Salvatorem; Salvatoris tamen nomen magis ad rem facit: Unde nos etiam interpretamur Nomen Σωτήρ per Salvatorem. (Axiom.

1. Nomen Iesus est cœlitus delatum; Ideoq; novum tum ratione significationis; tum ratione συνθήκης singularis ob terminū à quo & ad quem.

2. Nomen Iesus beneficia Christi ferè omnia συντόμως & ἐπιτομικῶς complectitur Complect a. beneficia per hoc nomen suum Christus respectu nostri 1. imputativè 2. inchoativè, 3. effectivè & 4. Consummativè.

3. In nomine Iesu omne genu flectendum Philipp. 2. v. 10.

III. Vocatur Immanuel h. e. nobiscum Deus Es. 7. v. 17. Matth. 1. v. 23. & Ithiel h. e. mecum Deus Prov. 30. v. 1.

IV. Siloh Gen. 49. v. 10. q. d. filius secundæ. V. Angelus Gen. 32. 30. Ex. 3. 2. Angelus faciei Esa. 63. 9. Angelus Testamenti Mal. 3. v. 1. VI. Reconciliator Rom. 3. v. 25. VII. Mediator Dei & hominum 1. Tim. 2. v. 5. Novi T. Heb. 9. v. 12. 24. IIX. Advocatus Rom. 8. v. 35. 1. Joh. 2. v. 1. 2. X. Liberator ὁ ρυόμενος, καὶ ἀποσπένων ἀσβεΐας ἀπὸ Ιακώβ. Rom. 11. v. 26. XI. Mirabilis XII. Consiliarius. XIII. Deus fortis XIV. Pater seculi. XV. Princeps pacis Es. 9. 5. XVI. Ieh. iustitia nostra Jer. 23. 8. & 33. 4. XVII. Semen Mulieris Gen. 3. v. 15. XIX. Vir Jer. 31. 9. Ad hanc Epithetorū Classē pertinet nomina Christi. 1. Typica, & sic vocatur

F 5                      aliquo-

aliquoties. Christus David Ezech. 37. v. 24. Of. 3.  
v. 5. 2. Agnus Ioh. 1. v. 29. 1. Pet. 1. v. 19. Apoc. 13. v.  
13. c. 19. v. 9. 3. Pascha 1. Cor. 5.

I I. Metaphorica, & sic vocatur 1. Leo de  
tribu Iuda Apoc. 5. v. 5. 2. Radix Iesse Esa. 11. v. 1. 3.  
Radix David Apoc. 5. v. 5. 4. Lapis anguli Esa. 28.  
v. 16. Psal. 118. v. 22. Rom. 9. v. 33. 1. Pet. 2. v. 5. 6. 7. 5.  
Lapis offendiculi v. 8. 6. Fundamentum 1. Cor. 3. 11.  
Ephes. 2. v. 10. 7. Lux mundi Iohan. 1. v. 4. c. 8. v.  
12. Luc. 2. v. 32. Act. 26. v. 23. Esa. 42. v. 6. c. 49. v. 6.  
c. 60. v. 1. Ephes. 5. v. 14. 8. Fœdus populi Esa. 49. v.  
8. 9. Pastor unus, Bonus, Magnus. Ezech. 34. v. 23.  
c. 37. v. 29. Ioh. 10. v. 11. Hebr. 13. v. 20. Summus  
Pastor. 1. Pet. 5. v. 4. 10. Sponsus Ioh. 3. v. 29. Apoc.  
19. v. 9. Matth. 9. v. 15. 11. vitis Ioh. 15. v. 1. 4. 5.

I I I. Metonymica, & sic Christus vocatur  
Iustitia, sapientia, Iustificatio, redemptio. 1. Cor. 1. v.  
30. & pax nostra Ephes. 2. v. 14.

10. Deinde quedam nomina Christi des  
sumuntur ex Officio ejus in specie: quod quia  
triplex est; totuplex etiam nominum Christi da  
ri poterit classis.

11. Ad primam classem referuntur nomi  
na Officium Christi Regium denotantia, & sic  
vocatur 1. Rex. Esa. 33. v. 22. Of. 3. v. 5. Luc. 1. v. 33.  
Psal. 2. v. 6. Psal. 24. Psal. 72. v. 1. Zach. 9. 9. Matth.  
21 5. c. 25. 40. 2. Princeps & Dux Esa. 9. v. 6. Dan.  
9. v. 25. El. 55. v. 4. 3. Dominator Mich. 5. v. 1. Ma  
lach. 3. v. 1. Matth. 2. v. 6. 1. Cor. 2. v. 8. Heb. 2. v. 1.  
4. Dominus noster passim Ioh. 13. v. 13. 14. Rom. 1. v.



4. 1. Cor. 8. v. 6. 5. Caput Ecclesie Ephes. 5. v. 23.  
 Col. 1. 18. 6. Heres omnium Heb. 1. v. 2. Marc. 12.  
 v. 6. 7. 7. Index. Es. 33. v. 22. Joh. 5. v. 27. 8. Prins  
 ceps, & Consummator fidei, & salutis nostrae 1. Pet. 1.  
 v. 21. 2. Pet. 1. v. 1. Hebr. 2. v. 10. c. 12. v. 2. 9. Auctor  
 vite Act. 3. v. 15. 10. Causa salutis eterne Heb.  
 5. v. 9.

12. In secunda Classe collocantur nomina ad  
 Christi officium Propheticum pertinentia: & sic  
 vocatur disertè Prophetæ Deut. 18. v. 16. 2. Prece  
 ptor Es. 55. v. 4. c. 42. v. 6. c. 49. v. 1. 2. c. 61. v. 1. 3.  
 Rabbi Matth. 23. v. 8. (& quidem unus) Ioh. 13. v.  
 13. 4. Leglator Es. 33. v. 22.

13. Ad tertiam Classem referuntur nomina  
 Christi officium sacerdotale indigitantia, & sic  
 vocatur 1. Sacerdos in æternum Psal. 110. v. 4.  
 Pontifex fidelis Hebr. 2. v. 17. Magnus c. 5. v. 10. fu  
 turoꝝ bonoꝝ c. 9. v. 10. 2. Apostolus & Pon  
 tifex Confessionis nostræ Hebr. 3. v. 1. 3. Administra  
 tor Sanctorum Heb. 8. v. 2. 4. Reconciliator Es. 60.  
 v. 10. 2. Cor. 5. v. 19. Col. 1. v. 19. 5. Advocatus 1. Ioh.  
 2. v. 2. Hebr. 7. v. 15. 6. Intercessor Rom. 8. 34. 7.  
 Propitiatorium Rom. 3. v. 25. 8. pretium redemptionis  
 pro omnibus 1. Tim. 2. v. 6.

14. Inter nomina Christi Ecclesiastica præci  
 puum est θεός, ὁ ὢν πῶς & εὐθὺς πῶς h. c. Deus  
 Homo; vel Homo Deus, ob duarum natura  
 rum, divinæ, & Humanæ in Christo unionem,  
 ad unam personam. plura non occurrunt.

15. Indicæ Christi appellationes recensens

tur in Talmud Codic. Pesachim. c. 4. Cod. Nedarim c. 4. & Codic. Sanhedrin. c. 11. quinq; sequentes præter nomen Messie 1. *יִנּוֹן* Innon ex Ps. 72. v. 17. juxta Scholam Rabbi Ianna 2. *שִׁילֹה* Schilo juxta Scholam Rabbi Schela ex Gen. c. 49. v. 10. 3. *חִירָא* Leprosus ex Esa. c. 53. 4. *חַנּוּנָא* Gratosus 5. *מְנַחֵם* Consolator, quæ omnia ex sacris deprompta.

## DE SECUNDO.

16. Cum Christi definitio non possit dari exacta; descriptione qualiquali contentos nos esse modestè, ac piè decebit. Succinctior autem, ut & rotundior vix ulla alia dari poterit, quàm quæ extat apud Varinum Phavorinū in hæc verba: *Χριστός ἐστὶ θεᾶνθρωπος Χωρίς ἀμαρτίας, μετὰ ἡμῶν, καὶ ἀνθρώπων*: h. e. Christus est Deus & homo sine peccato, Mediator Dei, & hominum. Ubi & Christi Persona, & ipsius officium optimè exprimitur; id quod imprimis in definitione Christi attendendum.

17. Unde sequitur 1. Christum hæc considerari ut personam compositam; non tam partium, quàm quidem numeri respectu.

2. Christum esse personam unam, vel unicam. Siquidem Mysterium unionis non potuit peragi nisi ab eo, qui esset Deus, & homo in unitate personæ. Hinc vocatur Christus unus Dominus 1. Cor. 8. v. 6 Ephes. 4. v. 5. unus mediator Dei, & homi-



hominum 1. Tim. 2. v. 5. 6. unus Magister Matth. 23. v. 8. Vnus Pastor Eccles. 12. v. 13. Vnus homo Rom. 5. v. 15 17. Vnus Vir 2. Cor. 11. v. 2. Vide Damasc. lib. 3. orthod. Fid. c. 3. & 9. c. 11 c. 14. 15. 17. 19.

3. In Christo igitur non est ἄλλος καὶ ἄλλος; alius atq; alius; sed ἄλλο καὶ ἄλλο h. e. aliud & aliud, sive: est diversitas naturarum; non personæ.

## DE TERTIO.

18. Christum personam esse compositam ex Deitate, & Humanitate, modò dictum fuit: ordinis itaq; ratio efflagitat, ut cum de Divinâ; cum Humanâ Christi naturâ hocce membro disseratur.

19. Et quod Divinam quidem Christi naturam attrinet, præcedenti disputatione eandem demonstravimus. Hoc loco id solummodo notetur: Naturam Divinam. Christi hæc considerari non ἀπλῶς vel absolute; sed σχετικῶς s. relatè, tam respectu hypostaseos, quàm Oeconomyæ. Ratio; Aliter n. Deitas Christi consideratur in Naturâ suâ, aliter etiam in Personâ suâ. Ibi consideratur absolute prout communis est Patri & Spiritui S. Hæc v. consideratur relatè, adeoq; prout est character hypostatico determinata. Pariter Naturæ divinæ consideratio alia est καθ' ἐαυτὴν per se ac in se; alia καθ' οἰκονομίαν per dispensationem. Illa fit ratione essentie τῷ λόγῳ: Hæc ratione gratiæ

tiosæ & salvificæ dispensationis, qua Christus non est amplius persona simplex; sed composita h. e. Θεάνθρωπος. Utroq; modo Filius à Patre & Spiritu S. distinguitur.

20. Humanæ Naturæ in Christo probatio est longè facilior, vel ideo, quod præter veteres Hæreticos, hodie paucissimi amplius reperiuntur, qui Christum verum esse hominem negatum cant; imo ne Turcis & Iudæis exceptis.

Nolumus itaq; in hoc argumenti genere esse prolixiores, lectorem remittentes ad Exegetin Dn. Menzeri A. C. ubi *quintuplici* argumentorum classe thema hocce pertractat art. 3. p. 101. 1. ab appellationibus 2. Definitione hominis reali 3. ex partibus hominis essentialibus S. ex corpore & anima rationali. 4. proprietatibus humanæ Naturæ. 5. ab operationibus.

21. Porro humana Christi natura aliis terminis æquipollentibus exprimitur in Sacris, vocatur n. caro Ioh. 1. 14. Caro & sanguis Heb. 2. v. 14. Item in concreto Homo 1. Tim. 2. v. 5. Ioh. 10. v. 33. vel Filius hominis Dan. 7. v. 13. Matth. 8. v. 20. c. 16. v. 13. c. 18. v. 11. c. 20. v. 18. c. 24. v. 27. 30. 37. c. 25. v. 13. 31. Ioh. 5. v. 27. Semen mulieris Gen. 3. v. 15. Semen Abrahæ Gal. 3. v. 16. Hebr. 2. v. 16. Filius & fructus ventris Davidis, Matth. c. 20. v. 30. 31. c. 21. v. 9. c. 22. v. 42. 2. Sam. 7. v. 12. Psal. 89. v. 36. Psa. 132. v. 11. Matth. 1. v. 1. Luc. 20. v. 41. Act. 13. v. 23. Rom. 1. v. 9. 2. Tim. 2. v. 8. Leo de tribu judæ Apoc. 5. v. 5. Virgultum Radicis Iessæ; Radix Iessæ Es. 11. v. 1. c.

42. v. 1. c. 53. v. 2. Apoc. 22. v. 16. Radix David & Ge-  
nus Apoc. 22. v. 16. Sanctum Sanctorum Dan. 9. v. 24.  
Vir. Act. 2. v. 22. c. 17. v. 31. Hisce pleriq; ex Calvi-  
nians addunt Formam servi ex Philipp. 2. v. 8. sed  
nimium ineptè; uti infra patebit. Adscribemus ad  
pleniorum Membri hujus explicationem Axio-  
mata:

1. Humana Christi natura consideranda est, non  
ut tota massa humana; sed ut particula ex illâ massâ. h.  
e. certa natura ex semine Virginis Sanctificata à  
Spiritu S. Damasc. l. 3. O. F. c. 2. & 6.

2. Humana natura Christi non est consideranda ut  
καθόλου, seu universale quid; nec ἐν τῷ εἶδει,  
seu species; sed ἐν ἀλόγῳ, vel λόγῳ, h. e. ut Indi-  
viduum. Ratio: Assumpsit n. λόγος humanam natu-  
ram certam; non v. quatenus in Idea omnibus  
est communis. Damasc. l. 3. c. 11.

3. Humana Christi natura est nobis ὁμοῖος,  
καὶ ὁμοφυής h. e. similis, vel ejusdem essentiae  
cum nostra. Duplici tamen cum limitatione 1.  
quod similitudo, vel ὁμοσχία illa sit intelligen-  
da quoad φύσιν s. Naturam vel Essentiam, non v.  
quoad ὑπόστασιν substantiam: Assumpsit n. filius  
Dei non personam; sed naturam humanam 2.  
quoad defectum peccati: nam filius Dei assumpsit  
Humanam Naturam expertem omnium defe-  
ctuum moralium, omnisq; peccati Heb. 4. v. 15.  
c. 7. v. 26. c. 9. v. 28. 1. Ioh. 3. v. 5. 1. Pet. 2. v. 22. ex Es.  
c. 53. v. 9, Confer. Damasc. l. 3. c. 12, & 13, Confess.  
Chalce,



Chalcedon. & Athanas. tract. de definit. ubi docet: Christum ratione humanitatis esse nobis ὁμοῖον, ὁμογενῆ, συγγενῆ, ὁμοφυῆ, & ὁμόφυλον: obnoxiam v. defectibus naturalibus, non quidem ex necessitate, sed ex liberrimâ voluntate ad opus redemptionis expediendum. Hinc Damasc. l. 3. c. 18. πάντα, inquit ἀνέλαβεν, ἵνα πάντα ἀγιάσῃ h. e. omnia assumpsit, ut omnia sanctificaret. B. August. Serm. 145. de Temp. Totum suscepit; totum liberavit. Et Ambrosi. l. 2. de fide c. 4. Mihi prodest scire, quia propter me suscepit Christus infirmitates meas. Ratio: quia λόγος non assumpsit naturam humanam in statu innocentie, qualem quidem Adam habuit ante Lapsum; sed in statu miserie omnibus passionibus subiectam, quales sunt fames, sitis, algor, defatigatio, dolores, languores, mortalitas, ignoratio, timor, tristitia, fuga mortis &c.

## DE QVARTO.

22. Contemplati sumus utramq; Christi Naturam; agemus etiam paucis. de unione naturarum hypostatica. Præsupponimus a. eam non esse accidentalem, adeoque nec κατὰ παράθεσιν appositionem, nec χέσιν secundum aliquem respectum; sed realem ac substantialem, κατὰ συνῶσιν dictam (ubi tamen removemus συνῶσιν ὀνοματώδη conjunctionem nominalem, quâ al-

terius

terius subjecti proprium non realiter; sed nominatenus alteri tribuitur: unde totum ejusmodi dicitur non *ἑσσιωδες* essentialis, vel *ὑποστατικὸν*; sed vel *τῷ πάθει* affectu; vel *τῇ συνεχείᾳ* comprehensione, & contactu, adeoque *κατὰ συμβεβηκὸς*) adeoque; *per se*.

23. Quoad definitionem Unionis hypostaticæ, varia à variis affertur: apud Patres triplex occurrit. Prima apud Athanas. in symbolo, quod sit *πρόσληψις ἀνθρώπου τῆς εἰς θεοῦ ἡλικίας*, *assumptio humanitatis in Deitatem*: in quâ multi nonnulla considerant: Nam assumptio est causa Unionis. 2. quia Unio est reciproca, non autem assumptio: Et provectio est assumti, non v. utriusq; uniti. 3. quia unio est perpetua, non a. assumptio, quippe transiens & momentanea. Secunda apud eundem Athan. in tract. de defin. in hæc verba: *ἐν ὧσις καθ' ὑπόστασιν εἰσιν ἡ ἀνθρώπου καὶ τῆς θεοῦ ἡλικίας*, *Dei ὅτι τῶν δύο φύσεων συνδρομή*: *Unio Hypostatica est per se subsistentialis concursus duarum naturarum in utero B. Deiparæ*. Quam descriptionem iisdem verbis repetit Varinus in Lexico suo. Tertia reperitur apud Suidam, quæ sic habet: *ἐν ὧσις ὑποστατικῇ εἰσιν ἡ τὰς διαφορὰς ἑσσίας, ἡ φύσεις, εἰς ἓν πρόσωπον, καὶ μίαν, καὶ τὴν αὐτὴν ὑπόστασιν συνάγειν καὶ συνδέειν*. h. e. Unio hypostatica est quæ differentes substantias vel naturas in unam personam, & unam eandemq; subsistentiam congregat & combinat.

24. Nos allatas descriptiones suo relinquentes loco nostram hancce damus: Unio Hypostatica, est conjunctio substantialis, quâ filius Dei humanam naturam in personam suam assumpsit, cumque eâ unum ὁμοῦς ἁμενον constituit, salutis nostræ perficiende gratiâ.

25. Vix accurata & perfecta definitio unionis Hypostaticæ dari poterit: assignatam reduximus ad classem relatorum 1. ob subjecta, vel extrema, nempe res differentes naturâ & definitione, ut sunt: natura divina ἡ λόγος, & humana. 2. ob fundamentum h. e. intervenientem assumptionis actionem. 3. ob relatum quod est natura, quæ refertur, & correlatum, quod est Natura ad quam refertur. 4. ob terminum cumque geminum; prior est internus, & unius θεανθρώπου constitutio; posterior externus, & salus generis humani.

26. Porro ad dilucidandam descriptionem sequentia notamus Axiomata: 1. Unio personalis est μονοῦστος, & ἀπρόσθετος h. e. singularis & ineffabilis 1. Tim. 3. v. 16. Hinc vocatur tremendissimum & novum sub sole à Basilio & Damasc. 1. 3. O. F. c. 1. ac Miraculum à Theodor. Rhetens. lib. adv. hæres. 1. quia simile sub sole non reperitur 2. quia causa ejus ab omni creatura absconditur 3. quia omnem naturæ facultatem, & apprehensionem transgreditur.

2. Unio personalis est credenda non à termino, quo; sed ad quem h. e. dicitur personalis, non quod



quod duæ personæ sint unitæ, sed quod duæ naturæ ad unam personam, vel unum ὁφισάμενον.

3. Unio personalis est tempore incarnationis perfecta. Oñe namq; à Theologis actus in momento incarnationis expenduntur 1. Spiritus S. ἐπέλευσις super B. Virginem superventus 2. Massæ sanguineæ in locum generationis deductio 3. Ejusdem sanctificatio 4. Corporis ex eâ formatio 5. animæ productio 6. corporis animatio 7. utriusq; partis à filio Dei in hypostasin suam assumptio: & deniq; Unio. Probat ex Luc. 1. v. 31. 35. Joh. c. 1. v. 14. Gal. 4. v. 4. 1. Tim. 3. v. 16. Heb. 2. v. 14. 16.

4. Unio hypostatica est omnium arctissima, & distinctissima simul. Utrumq; n. est de ratione unionis substantialis ac per se, tum arctissima præsentia, tum distinctio rerum unitarum. Ac ratione illius, unio hypostatica deprehenditur esse omnium longe arctissima. 1. Propter naturarum internam ac indissolubilem præsentiam ac conjunctionem: Quo n. arctior unio, eò major oritur rerum unitarum præsentia; adeò ut natura, ὅς λόγος extra humanam nec cogitari, nedum esse alicubi sine hac; salvâ unionem personali, possit 2. propter exquisitissimam περιχώρησιν sive immeationem, quâ singula sunt in singulis, & omnia in singulis, & singula in omnibus, & omnia in omnibus, & unum omnia explic. B. August. l. 6. de Trin. c. ult. Dari a. talē περιχώρησιν

inter duas Christi naturas, alibi evidetur, est,  
principio περιχρήσεως ad solam Deitatem,  
λόγῳ relato; quippe quæ omnia pertransit ac  
permeat, prout vult, ipsam verò nihil apud Da-  
masc. l. 3. O. F. c. 7.

27. Sicuti verò ob περιχώρησιν essentialē,  
supernaturalem in Trinitate una persona non  
est extra aliam: ita ob supernaturalem personā-  
lem una Natura in Christo nequit esse extra  
aliam, Damasc. d. l. c. 5. 3. propter unius ὑφιστάμενης  
mutuam constitutionem ex divinā & humanā Na-  
turā, adeoq; unitatem personæ θεανθρώπου. Sic  
cuti a. unitas essentialis arguit unionem arctissi-  
mam in Trinitate; quā arctior nulla datur; ita  
unitas personæ vel ὑφιστάμενης, arguit unionem  
arctissimam in Christo, divinæ, & humanæ na-  
turæ.

28. Huc pertinent formulæ illæ loquendi,  
quod unio facta sit ἀδιαίρετως indivisè, ἀχωρί-  
τως inseparabiliter, ἀδιασπῆκτως indistincter,  
ἀδιάλυτως indissolubiliter, ἀδιασπάσως, indi-  
vulsè; ἀπεριγράπτως, incircumscripτε, ἀμε-  
ταβλήτως intransmutabiliter vid. Damasc. l. 3.  
c. 2. 3. & 11.

29. Deinde quod Unio Hypostatica sit  
distinctissima, evincit ejus Majestas, cum quā o-  
mnis confusio pugnat. Facta n. est ἀσυγχύτως  
inconfusè, ἀτρέπτως immutabiliter, ἀαλλοιω-  
τως inalterabiliter Damasc. d. l. Ac proinde, ut  
Naturæ



Naturæ; ita Naturarum propria à confusione,  
& mutatione mansere liberrima in unione hy-  
postatica in Christo.

5. Unio Hypostatica est perpetue durationis.  
Quod n. λόγος semel assumptus, nunquam depo-  
suit Athanas. Dialog. 4. ὁ ἐνώσας ἐκάρηκεν. Ideoq;  
nec in ipso mortis articulo rupta fuit, soluta in-  
terea, unione naturali corporis & animæ in  
Christo.

6. Ob unionem Hypostaticam Christus θεάνθρω-  
πος non est tertium quoddam, ac diversum à naturis  
suis; sed due illæ naturæ sunt unus Christus; & Chri-  
stus due naturæ. Non enim Christus est ἐξ ἐτέρων  
ἐτερον; ἀλλὰ ἐξ ἐτέρων τὰ αὐτὰ h. e. ex diversis  
diversum quid; sed ex diversis ea ipsa. Domasc. l.  
3. c. 3. cum Nazianz.

7. Unio Hypostatica non est sine vera, ac reali  
communicatione Hypostaseos, & Naturarum, & 3.  
proprietas, & operationum; ut jam dicetur: Si-  
quidem ad unionem κατὰ συνδύασιν substantia-  
lem, rerum unitarum κοινωνία requiritur, sine  
quâ ne cogitari quidem potest.

## DE QUINTO.

30. Vox κοινωνίας multipliciter alias ca-  
pi solet, nos heic agimus de communicatione  
supernaturali, eaq; personali. quæ per omnia  
alis est, qualis ipsa Unio: ex sententia Nazianz

zeni & Damasceni. Sumi porrò hoc sensu solet,  
vel 1. *causaliter* pro ipsa *unione*, & sic unio &  
communio æquipollent apud Athanas. ad Epictet.  
2. vel *Consequenter* pro concomitantia unionis;  
& sic etiam à nobis consideratur, ac describitur:  
*Communicatio est unius proprii inter plura* subjecta  
distributio, & de eodem *realis participatio*: ob  
intervenientem *συνδύασιν*, vel unionem; citra  
ullam vel multiplicationem; vel transfusionem.

31. *Trium* a, breviter communicatio nobis  
erit eruenda.

I. *Hypostaseos* ἢ λόγος sive subsistentiæ  
cum Humanâ naturâ assumpta, quam alibi fusè  
probavimus; unde huc *συνήθως* adducimus ar-  
gumenta, desumpta 1. ab *unitate personæ*, quæ  
utrique naturæ communis evasit 2. à *persona*  
Christi *composita* 3. ab *humanitatis personatione*  
apud Damasc. l. 3. c. 2. 11. 27. 4. à *consecutione*  
ἢ εἶναι ὑποστατικῶς ab humana naturâ Dam. d. l. 5.  
ab *humanitatis Christi cooptatione* in consortiū  
SS. Trinitatis. 6. ab *humanitatis Christi subsisten-*  
*tiâ illocali*. 7. ab *absurdo*, 1. quia Caro Christi  
esset merè naturalis 2. quia *passiones carnis* sibi  
appropriare λόγος non potuisset, negatâ commu-  
nicatione Hypostaseos.

II. *Naturæ* ἢ λόγος cum assumpta huma-  
nitate 1. ex Joh. 1. v. 14. Col. 2. v. 9. 2. à propo-  
sitionibus *personalibus*, in quibus concretum  
unius naturæ prædicatur de Concreto alterius  
Naturæ

Naturæ, propter Unionem hypostaticam: Ut Deus est homo, & homo est Deus. uti a. prædicationes illæ sunt veræ ac reales: ita & communicatio. Referantur huc dicta, ex Matth. c. 16. v. 13. 16. Luc. 1. v. 35. Jer. 23. &c. 33.

III. Idiomatum seu propriorum: Est vero Communicatio Idiomatum, vera ac realis participatio propriorum divinæ, & humanæ naturæ in Christo *θεανθρώπων* facta, vel ab alterutrâ, vel utraq; naturâ simul denominato.

32. Tres a. communicationis Idiomatum gradus ex scriptura dari possunt.

33. *Primus*, in quo propria naturarum communicatio realiter toti personæ in concreto, additis interdum particulis distinctivis, semper autem subintellectis. Tribus igitur requisitis hic gradus à reliquis distinguitur. 1. requisitum est *Subiectum*, quod heic est persona, Christus *θεανθρώπος* 2. *reciprocatio*, siquidem propria naturarum ex æquo de persona prædicantur, ita nimirum; ut quicquid est per naturam proprium filio Dei; hoc omne per, & propter unionem personalem prædicetur de filio Mariæ: Et *contra*: Quicquid est per naturam humanam proprium filio Mariæ, hoc omne per, & propter unionem personalem prædicetur de filio Dei. 3. *distinctio* per certas particulas ad evitandam confusionem, uti Naturarum; ita proprietatum.

34. Ad hanc classem pertinent Effata Joh. 6. v. 62. c. 8. v. 58. Act. 3. v. 15. 1. Cor. 2. v. 8. c. 10. v. 9. c. 15. v. 47. Joh. 3. v. 13.



35. Secundus gradus, in quo divina Majestas, gloria, & potentia assignatur Christo secundum naturam humanam, propter unionem hypostaticam.

36. Tria etiam heic dantur requisita, quibus hic gradus à primo, & postremo discernitur  
1. Subjectum quod est Humana Christi natura.  
2. objectum dona infinita, ac increata soli Deo per essentiam propria. Unde etiam intelligitur negatio reciprocationis; 1. quia Deitati nihil dari in tempore potest 2. quia provectio est assumptis, non assumptis 3. Causa, per & propter quam facta sit communicatio videl. unio hypostatica.

37. Huc pertinent effata de Omnipotentia, potestate æterna omnis carnis, Dan. 7. v. 14. Matth. 11. 27. c. 28. v. 18. Joh. 17. v. 2. Gloria v. 5. Omniscientia Joh. 16. v. 30. c. 21. v. 17. Omnipresentia potentia Domini Psal. 72. v. 8. Psal. 110. v. 2. Eph. 4. v. 10. Gratiola Matth. 18. v. 20. c. 28. v. 20. Act. 9. v. 5. Gal. 1. v. 1. Apoc. 1. v. 13. c. 2. v. 1. Gloriosa 1. Cor. 15. v. 28. de cultu adorationis Psal. 72. v. 9. Es. 49. v. 7. Psal. 45. v. 12. Psal. 97. v. 7. Heb. 1. v. 6. cap. 4. v. 15. 16.

38. Tertius gradus, in quo utraq; Natura in Christo agit quod sibi proprium est cum communicatione alterius; apud Damasc. lib. 3. c. 15. & 19. Et heic Tria requisita deprehenduntur, quibus hic gradus à præcedentibus distinguitur 1. Subjectum h. e. Christus secundum utramq; Naturam 2. objectum quod est actio aliqua Θεωδρική l. Deivirilis, Officium Christi propheticum, Sacerdotale, ac Regium  
expri-

exprimens. & 3. particula reduplicative & copulative utramq; naturam respectu unius ac ejusdem ἀποκρίσματος conjungentes.

39. Quæ verò dicta huc pertineant, jam supra dictum fuit, & ex sequenti disputatione patefceret.

#### IV. EXEGESIS AN- titheseos.

40. Puriori huic doctrinæ adversantur hæreses partim veteres; partim renovatæ: utrasque paucis dispiciemus, secundum seriem membrorum hæcenus in Thesi propositorum.

41. Veteres hæretici oppugnarunt in Christo vel Naturas; vel unionem, vel communicationem, indeq; resultans officium θεανδρικόν.

42. Naturam divinam impugnantes præcedenti disputatione enumeravimus.

43. Humanam impugnarunt 1. ratione Corporis veri, Cerdon, Marcion, Saturnini, Valentiniani, Marcus, Manes, Basilides: 2. ratione anime, Arius, Apollinariste, Aëtiani, Eunomiani, & Anomæi. 3. ratione affectionum & proprietatum Monothelite, & Apbthartodocite.

44. Unionem veram, & artificiosam negarunt 1. quotquot Deitatem aut humanitatem Christi impugnarunt. 2. Nestorius in defectu naturas separans, ut & Samosatenus: 3. Eutyches in Excessu Naturas, & proprietates confundens, cum Gnapheo, G. S. serero.

*Sepero, Acephalk, vel Angelitæ, quos ante seculum imitatus erat Schrvencsfeldius.*

45. Communicationem realem eadem operâ iidem hæretici negarunt.

V. M E M B.

46. Renovati Hæretici impugnarunt & adhuc impugnant vel Christi personam, vel officium, vel statum.

47. Personam Christi impugnantes, hodierni hæretici 1. ratione divinæ naturæ sunt Photiniani, & Anabaptistæ, ex Θεανθρώπου ψιλὸν ἄνθρωπον fingentes 2. ratione humanæ naturæ sunt Schrvencsfeldiani, & VVeigeliani, utrique tam hi, quam illi unionem hypostaticam, & communicationem negant veram ac realem, tum actionum, tum priorum. 3. Ratione unionis hypostaticæ sunt Pontificii, & Calviniani tanquam Pilatus, & Herodes contra Christum conspirantes, hæcque in parte Nestorii errorem errantes. Pontificiorum quidem sententiam edisserit Bellarm. l. 3. d. Christ. c. 8. ubi carnem, ait, existere in verbo, ut brachium in corpore c. 4. fingit filium Dei factum, esse hominem, vel verbum factum esse carnem, sicut Aaron factus est Pontifex, & David Rex: Conf. c. 15. 17. 18. ubi unionem definit per sustentationem, ac confert cum unione globi solaris sensu per omnia Nestoriano. Eadem sententia est Calvinianorum, quorum plerique fingunt unionem Hypostaticam esse Accidentalem ut Martin. in Exam. spicar. p. 49. Nec aliter possunt, salvis suis hypothesebus, ac similibus, ab Antyperpiâ, Planetâ,  
Clavo,

Clavo,  
Christi  
possi  
Exam  
gestati  
Dei?  
Mart  
572.  
tandem  
6. ch. 7.

Pontific  
tione  
Gerla  
quia e  
Idi  
posse  
tione  
p. 250  
synta  
catho  
perso  
nem  
com  
assum  
2.  
quo  
vid. B  
ubi pr  
Bezant



*Clavo, Puncto, Calamo &c.* petitis, iisq; ad carnem Christi applicatis. Hinc negant unionem hypostaticam factā esse ad unum ὁψιάμενον Dan. in Exam. Chem. p. 83. & quid sibi volunt termini *gestationis, sustentationis* carnis in hypostasi filii Dei? apud Beza in Coll. Mompelg. p. 245. Martyr. dial. Martin. l. 2. de pers. Christi. p. 571. 572. Fide pseudocathol. l. 2. c. 3. p. 271. quicquid tandem prætexit Bergius disp. de pers. Christi c. 6. th. 78. 79. sed futiliter, uti suo loco responsum.

4. *Ratione communicationis 1. Hypostaseos.* Pontificii quidem videntur urgere communicationem hypostaseos Bell. l. 3. d. l. c. 8. Busc. contra Gerlach. c. 4. th. 35. Becan. Tom. 2. opusc. p. 259. sed quia excludunt ab hac communicatione naturam & Idiomata τῶν λόγων; prius quod largiti sunt, postea subtrahunt. Calviniani etiam idem sentiunt vid. Beza. Colloq. Mompelg. ad th. 8. 9. p. 250. Resp. ad acta part. 1. p. 95. 96. 105. Polan. in syntag. l. 6. c. 16. p. 375. Martin. in Fide pseudocathol. l. 2. c. 5. p. 271. Sachs. in disqu. Bergius de persona Christi c. 4. th. 44. Solvunt itaq; unionem personalem cum Nestorio: sublatā namque communicatione hypostaseos λόγων cum carne assumatā; tollitur, ac evertitur unio hypostatica.

2. *Naturarum*, ubi Pontificij, & Calviniani ex æquo communicationem naturarum impugnant vid. Bell. l. 3. d. Christ. c. 8. Busc. d. pers. Chr. th. 14. ubi provocat ad consensum Calvinianorum. Conf. Beza in colloq. Momp. Antithes. 8. & 9. p. 204.

250.289. Zanch. lib. 2. de incarnat. c. 3. quæst. 12. p. 459. Dan. in Exam. p. 290. Par. Iren. p. 265. Quod pertinet infelix illud extra naturæ divinæ, per seperationem ab humana, in Schola Calviniano- rum. Qua in parte & Nestorii, & Samosateni errori favent.

5. Ratione propositionum personalium, quas Iesuite & Calviniani statuunt 1. Identicas, 2. Essentiales: apud Da. Meissn. parte 2. sobr. Phil. s. 2. c. 2. quæst. 7. 8. vid. Compiler. Consens. cacodox. p. 18. & 123. Martin. in Menz. Antinuthet. c. 9. p. 118. Fide pseudocat. l. 2. c. 5. p. 279. 3. proprias, regulares, Gryn. in disp. d. Sermon. incarnat. 4. Verbales uti Dan. contra Chemn. p. 295. Neostad. in admon. p. 68. Berg. d. l. th. 85. Negant insuper, Christum quod homo est, esse filium Dei. Pisc. in not. ad amic. collat. Vorst. p. 191. in comment. super Luc. 1. v. 35. Par. in Iren. c. 28. art. 11. Martin. l. 2. d. pers. Chr. c. 17. p. 640. & Menz. Antinuth. c. 5. p. 75. 76. c. 10. p. 131. Berg. d. l. thes. 93.

48. Quibus opponi debet 1. ratio unionis hypostaticæ, cujus indolem refert tum communicatio; tum prædicatio verissima ac realis, singularis, mystica & inusitata. 2. Unitas personæ θεω-  
θρώπου, ubi filius hominis non est persona diversa à filio Dei. & 3. dicta scripturæ filiationem illam Dei evincentia quoad Carnem Christi, ut Matth. 16 v. 13. 16. c. 3. 17. c. 17. v. 5. Heb. 1. 8. ubi si quis negatum iverit, filium Dei secundum humanitatem esse proprium Dei filium, absurdè adoptivum cum Elilpando adstruere tenebitur.

6. Ratione

6. Ratione *communicationis* idiomatum, quam Pontificii cum Calvinianis iisdem armis impugnant vehementissimè, ac miserè exagitant. Bellarm. Greg. de Valent. Buse. &c. omnesque Calviniani. Hinc adeo factum, ut *Crypto Calviniani VVittebergenses*, disputationem *Iesuitarum Ingolstadtensium* de *communicatione Idiomatum* suo calculo ceu orthodoxam approbarint, ac studiosæ juventuti commendarint, *VVitteberge* reculam A. 1571.

49. In *primum gradum* utraq; cohors impingit cum Nestorio: propria humanæ naturæ neutiquam Dei filio realiter competere potuisse, contendens. Unde sequitur: Solam humanam naturam pro nobis fuisse passam.

50. In *Tertium* impingit cum Paganis, & *Photinianis*; opus redemptionis evacuando: Ille namq; nos redemit, qui pro nobis passus & mortuus est: Atqui λόγος seu filius Dei, pro nobis non est passus, & mortuus, juxta sententiam adversariorum. E. nos non redemit. Ergo nondum sumus redempti: ad hoc enim, sola humana natura erat impar. utpote, infinitæ virtutis, opus.

51. Idq; eo magis, quia *secundum gradum* utrinq; impugnant, denegantes *communicationem virtutis*, ac reliquorum donorum *Majestaticorum λόγος* cum carne assumptâ. Denegata autem virtute divinâ carni Christi, negabitur de eâ, apotelesma salvificum ac θεανδρικόν. Quomodo etiam circa hunc gradum *Calviniani* faciant cum *Arianis*, alibi dictum est.



52. Colophonis loco, imprimis notatu dignum est, circa gradum secundum communicationis: statum Controversiæ, à Calvinianis præsertim, mutatum esse. Vetustiores namq; Calviniani, & Sacramentarii, illo tempore aliter locuti sunt, atq; nunc loquuntur. Olim quippe humanæ naturæ in Christo nullas alias proprietates, conditiones, facultates, & prærogativas tribuere, & concedere volebant, quàm quæ in aliis naturalibus hominibus inveniuntur; uti Dn. Chemnic. in textu præsentis commemorat.

Neoterici v. contra hanc sententiam protestantur, præter dotes naturales, & communes cum aliis hominibus, etiam Gratiâ habitualement adeoque dona supernaturalia, & præternaturalia assumptæ humanitati ascribendo, vid. Zepper. l. 3. d. Bapt. p. 226. Trelcat. p. 92. Martin. l. 2. Theol. c. 14. p. 629. Admonit. Neostad. p. 56. Sadeel. de verit. Human. Nat. &c.

53. Hinc & illa, quæ membro secundo de effectis unionis addunt nostri auctores: Calviniani cum Jesuitis ultrò concedent, quod nimis sicut per unionem caro Christi ultra, & supra omnes creaturas summæ illi personæ artissimè unita est; ita eoipso accepit sine mensura infinitas, excellentes, & diviniore proprietates, quæ aliàs nulli homini, nec ulli creature, vel à naturâ insunt; vel unquam & divinitus conferuntur. Omnia inquam hæc Adversarii faciliè concedent, imò hodie sic loquuntur, & publicè docent, si unicum terminum infinita-


tis excipias, quem tamen illi in suo genere acci-  
piunt, & pervertunt.

54. Videns hanc *κρίσιν* B. Chemnic. & vera-  
sutiam adversariorum; Nilum lib. d. duab. Nat.  
aliter posterioribus temporibus conformavit,  
ibidemq; inter carnis Christi dona discrimen  
*triplex* recenset, 1. quod quedam sint ipsi Natura-  
lia 2. quedam supernaturalia & præternaturalia,  
creata tamen, quæ Scholastici per Gratiam habi-  
tualem exprimunt; & 3. quedam dona *supernatura-*  
*lia, increata, & verè infinita*: de quibus propriè  
inter nos & Calvinianos controvertitur. Illi  
priora duo de carne Christi concedunt; *postremi*  
generis negant; Videl. *Bez* in colloq. Mom-  
pelg. p. 203. *Sadeel*. d. Ver. Nat. hum. in Chr.  
p. 208. *Dan*, contra Chem. p. 398. *Martin*. d. 1.  
*Sachs*ius, *Bergius*, & omnes *Calvini* gregales.


55. Nos v. præter duo illa, insuper *tertium*  
genus donorum de carne Christi affirmamus, ac  
paulo ante, & antehac alibi fusiùs probavimus.


56. Hæc etiam impræsentiarum sufficiant:  
de reliquis in posterioribus disputa-  
tionibus monendi suppetet  
occasio.


δοξα τῷ θεανθρώπῳ.














Biblioteka Jagiellońska



biblioteka Jagiellońska



stdr0012641



